



Broj: 10-05-33506/16
Sarajevo, 23.12.2016. godine

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na poslaničko pitanje

Zastupnik Zvonko Marić je, na 21. Radnoj sjednici Skupštine Kantona Sarajevo, održanoj dana 26.10.2016. godine, u okviru tačke Dnevnog reda "Zastupnička pitanja, inicijative i odgovori", u nekoliko tačaka postavio zastupničko pitanje koje se odnosi se na Javnu ustanovu Zavod za medicinu rada Kantona Sarajevo, i to:

„Na koji je način članici Upravnog odbora Jasmini Bišćević Tokić za vrijeme njenog mandata isplaćeno sa računa Zavoda za medicinu rada KS 5.000,00 KM za troškove doktorske disertacije, da ne spominjem upisivanje u Banja Luci, jer smatram da je to njen izbor?“

Kako je moguće da je pomenuta članica upravnog odbora koristeći svoj uticaj omogućila njoj bliskoj osobi materijalnu korist od 6.000,00 KM (riječ je o njenom zetu uposleniku BH Telecoma Saninu Kahvedžiću)?

Također želim odgovor na pitanje kako je direktorica Naida Tiro pod uticajem gospođe Jasmine Bišćević Tokić izvršila pritisak na zaposlenika IT službe koji je otišao na bolovanje, a potom je omogućeno da Sanin Kahvedžić koji nije zaposlenik te javne ustanove hakira kompjuter Elme Ibrahimpašić i kopira bazu podataka pacijenata što je protuzakonita radnja?

Također da li je tačno da je uposleniku Zavoda, članu sindikata zdravstvenih radnika, odnosno njegovoj supruzi sa računa Zavoda isplaćeno 6.000,00 KM na račun konsalting usluga, kako bi tadašnja upravljačka struktura dobila podršku sindikata?

Ovom prilikom neću postavljati pitanja vezana za stimulacije odabranim mimo svakog pravilnika iz samo njima znanih razloga. Međutim pitam da li je tačno da je direktorica članovima jednog od upravnih odbora, pod uticajem Jasmine Bišćević Tokić za tri dana u mjesecu isplatila mjesečni iznos naknade? Da li je tačno i to da je direktorica Naida Tiro dan prije nego joj je istekao mandat, odnosno prije imenovanja sadašnjeg direktora potpisala štetni ugovor sa izvjesnom doktoricom Šefikom koja je trebala biti u mirovini skoro dvije godine i omogućila da ugovor može faktički raskinuti samo dotična direktorica, dok za to vrijeme na biroima za zapošljavanje mladi doktori bez šanse čekaju neko bolje vrijeme, a „nesuđena umirovljenica“ uredno prima plaću?

Da li je gospođa Bišćević Tokić pored toga što ima ovakve ovlasti u ovoj javnoj ustanovi u sukobu interesa, jer je u glavnom odboru stranke? Volio bi da se preispita taj slučaj, i ukoliko su ovi navodi tačni (a za sve posjedujem dokumentaciju) da se poduzmu zakonom utvrđene mjere. Tim prije što je gospođa Bišćević Tokić za razne edukacije uzela oko 25.000,00 KM a o tome je upoznat i nadzorni odbor, i to je bila također njihova primjedba i konstatacija.“

Također, na 23. Radnoj sjednici Skupštine Kantona Sarajevo, održanoj dana 08.12.2016.godine, u okviru tačke Dnevnog reda "Zastupnička pitanja, inicijative i odgovori", postavio zastupničko pitanje:

„Budući da već skoro dva mjeseca nisam dobio odgovor na postavljeno pitanje koje je u vezi sa mahinacijama koje se dešavaju u zdravstvenoj ustanovi medicina rada, suvišno je da vas podsjećam da ste na taj način prekoračili zakonski rok za davanje odgovora na zastupničko pitanje.

Umjesto što se upravljačke strukture na hitnim sjednicama bave istražnim radnjama vršeći pritisak i mobing na zaposlenike pokušavajući da na taj način otkriju kako su informacije o tim protuzakonitim radnjama „procurile“ do mene kao zastupnika u Skupštini Kantona Sarajevo, logično i normalno bi bilo da se bave uzrocima i teškim posljedicama koje su nastale zbog njihovih protuzakonitih radnji. Zato Vas najljubaznije molim da mi menadžment odgovori, odnosno tamošnji direktor na sve one postavljene upite, a ne da mi odgovara neko ko je akter u ovoj protuzakonitoj priči a prije svega mislim na imenovane upravljačke strukture, jer nelogično je da mi odgovor daje neko ko je imenovan u toj aferi koja je oštetila zavod u svakom smislu. S obzirom da sam u međuvremenu došao još do znatnog broja dokaza o onome šta se dešavalo u proteklom periodu u zavodu, mislim da bi i tužiteljstvo trebalo da se uključi u rasvjetljavanje svega onoga što se dešava u toj ustanovi koja pored ostalih pretendira da bude dio reforme zdravstva koja se najavljuje.“

U vezi sa postavljenim poslaničkim pitanjima dostavljamo slijedeći:

ODGOVOR

Ministarstvo zdravstva Kantona Sarajevo je, postavljena zastupnička pitanja zastupnika Zvonka Marića blagovremeno prosljedilo Upravnom i Nadzornom odboru Javne ustanove Zavod za medicinu rada Kantona Sarajevo, na izjašnjenje.

Ovom ministarstvu dostavio je traženo izjašnjenje sa prilozima Upravni odbor Zavoda dana 20.12.2016.godine a Nadzorni odbor Zavoda dana 22.12.2016.godine, koje Vam u cjelosti dostavljamo.

